

## 102 penuntut UMP berjaya ikuti program Degree++

KUANTAN 1 Jan. - Seramai 102 penuntut Universiti Malaysia Pahang (UMP) berjaya menamatkan program Degree++ bagi menambah nilai pengetahuan dan kemahiran sebagai persiapan melangkah ke alam pekerjaan selepas tamat pengajaran nanti.

Mereka adalah kumpulan dari Fakulti Kejuruteraan Kimia & Sumber Asli (FKKSA) yang menjalani program tersebut melibatkan pihak industri khususnya berkaitan minyak dan gas.

Antara syarikat tersebut adalah Emerson Process Management (M) Sdn. Bhd., Engineering Werks Sdn. Bhd., Yamatake Engineering (M) Sdn. Bhd., Agilent Technologies Sales (M) Sdn. Bhd., dan Aveva Sdn. Bhd.

Menurut Naib Canselor UMP, Prof. Datuk Dr. Daing Nasir Ibrahim, program itu adalah kesinambungan daripada hubungan kerjasama melibatkan universiti dan pihak industri pada majlis memandatangkan memorandum persefahaman anjuran Universiti tersebut baru-baru ini.

Katanya, Kementerian Pengajian Tinggi melalui Dana Kebolehpasaran Penuntut (KP) atau Kebolehda-

patan Graduan (KG) meluluskan dana sebanyak RM1 juta bagi membantai program tersebut.

"Pelaksanaan program ini dapat membantu melengkapkan diri penuntut dengan keperluan teknikal seperti mana yang diperlukan oleh industri."

"Mereka dapat berinteraksi dengan pihak industri serta meningkatkan tahap keyakinan diri dalam bidang dipilih malah penuntut sentiasa dinilai oleh tenaga pengajar dari industri berkenaan," katanya.

Beliau berkata demikian ketika berucap dalam Majlis Penyampaian Sijil Program Degree++ FKKA di Dewan Bankuett universiti itu di sini baru-baru ini.

Menurut beliau, pelaksanaan itu adalah usaha universiti menambah nilai pengetahuan dan kemahiran mahasiswa dengan ilmu serta kemahiran di luar bilik kuliah.

Katanya, program ini turut mendapat kerjasama sepenuhnya daripada rakan-rakan industri dalam usaha membantu melengkapkan penuntut dengan kemahiran teknikal bagi persediaan menempuh alam pekerjaan.



Universiti  
Malaysia  
PAHANG

Engineering • Technology • Creativity



DAING Nasir Ibrahim (tengah) bersama penuntut yang berjaya menamatkan program Degree++ di Dewan Bankuett UMP, Kuantan, baru-baru ini.